

Message Seven

Oengca thli dawng muisam aka thoeng Bawi

Caciim tee ham. Gal 1:15-16. 2:20. 3:29. 4:5, 19.

Efe 3:17a. 2Kor 3:18. Rom 8:29. 12:2a

I. Awlkhueh thai cabuciim lawng Khrih tah mami kah khuiben coengna oen adungthlang la tuh kai u tih, mami oen haih khuiben atak tuh kaina khueh angaih tite avan awng - Gal 1:15-16. 2:20.

A. Pathen lawng a Capa te Paul oen mami tengla avan awng poen - Gal 1:15-16.

1. Gal 1:16 dawng kah *avan awng* ti awllung hetah broe nawh awlpui tih, aboet toela awlpui tangkiik.
2. Awngna tetah ahuep la kuuem la aka awm thaihu pakhatkhat te mingsakna (thui phawngna) nawhatah tuuengsakna (phawng ruila tuuengsakna) la awm.
3. Awlkhueh thai cabuciim dawngah *avan awngna* te mami kah muithla oen tuh kai la broe nawhla a dungna dawngah ahaw nala awm - Rom 1:17. 8:18. 1Kor 2:10. 1Pit 1:5. 5:1.
4. Pathen lawng Capa te mami tengla avan awngna tetah mami dawng ah ni. Tetah dauben nawh ni, khuiben la awm tih, dauben huhdooenna ouhla khuiben huh na teni.
5. Pathen thinkaw ngaihna tah Capa te mami dawngah avan awng ham tih, teahni mami lawng Bawipa te m' ming u ai, Bawipa te mami kah hingna la n' dou la a awm coengah (John 17:3. 3:16), Pathen cathli la ng'awm u thai ai (1:12. Gal 4:5-6).

B. Gal 2:20 dawngah Pathen kamthlahna kah akungsutna koek la ka awm awltak te mami lawng n' huh u - kai ka hing tlaih moenih, Khrih lawng ni kai dawngah hing.

1. Khrih lawng Pathen kamthlahna angla thinglam dawng duek la a awm vengah mami tah Bawipa dawngah thum haih la ng'awm u. Hetah aka soepbir poen aka awnglam atak la awm - Rom 6:6. Gal 2:20. 6:14.
2. Mami lawng Khrih oen haih aka hing thooekna kalawng ah patoeng aanaa-awl tengla n' duek u tih, Pathen tengla n' hing u ham ni - John 15:4-5. 1Kor 6:17. Rom 12:4-5. 1Thet 1:1.
3. Gal 2:20 dawngkah "kai" lawng Paul bueng te thuinuet nawh tih, mami pakhatrip boeih te athuinuet coengah, Paul kah sausi dengna te mami kah sausi dengna la khawseh awm.
 - a. "kai tah Khrih oen haih thinglam dawngah duek la ka awm poen" - athan 20a.
 - b. "kai tah ka hing tlaih moe nih, Khrih lawng ni kai dawngah a hing poen" - athan 20b.
 - c. "thisa dawngah taheah kai ka hingna hetah ... Pathen Capa te ka tangna oengna dawngah ni a awm" - athan 20c.
 - d. "kai aka lungna tih, kai hamla amah oen amah te peek la ka awm Pathen Capa" - athan 20d.
 - e. "ameang thaihu lawng m'peksak thai ai / aboet toe Bawipa kan lungna / Bawipa lungna bou tangkiik / Bawipa oen ka thooekhaih / pahih de catah pakhat ni / Bawipa kai, kai Bawipa / hetah kai kah sausi / lungna dawngah dungzaan" Hymns# Matu 91, apalina.

II. Khrih lawng thinglam dawng a duekna tetah (Gal 3:1) mami te aanaa-awl kah awlkhah zaawkna kalawng tlang ham (athan 13) oen dilai kah aka pawcii bawkna lawngpui kalawng mami te thlawn ham (1:4) tih, Bawipa tah duekna kalawngah thou koep poen, teahni mami dawngah Bawipa a hing thai ai (2:20), mami kah haamkhuekna dawngah mami dawngah muisam athoeng thai ai (4:19).

III. Gal 4:19 dawngah Khrih te oengca thli dawngah muisam aka thoeng Bawi la a tuuengsak.

A. Aka hing thlaanghing la ka awm Khrih tah Paul kah awlthangthen kah alaklungkiir na koek la awm - 1:16. Rom 1:1, 3-4.

B. Paul kah thuiphawngna lawng tah oengca thli dawngah aka hing Pathen kah Capa la ka awm Khrih cuunla a awmsak ham teni - Gal 1:15-16. 2:20. 4:19.

C. Khrih tah tahe mami dawngah hing tih, Bawipa lawng mami dawngah muisam thoengla va awm ai - athan 19.

D. Paul lawng camoe cuun tlawhna a ueh, teahni Khrih lawng oeng cathli dawngah ahimi kah ca coengna apum boeih dangla a awm thaina hamla muisam thoengla a awm thai ai - athan 5, 19.

IV. Awlkhueh thai cabuciim dawngkah Paul lawng ahawna angla *muisam athoengna* ti awllung lawng atah khuiben cooengna kah daubenla a tuuengna te athuinuet (Filip 2:6). Mami la ng'awmna thaihu lawng mami kah muisam dawngah va tuueng, tetah mami khuiben cooengna lawng daubenla atuuengna teni.

V. Mami dawngah Khrih muisam athoengna tetah mami dawngah Khrih lawng abela rooengna teni- Gal 4:19. Efe 4:13-16.

- A. Lamha cuela mami thawlh n'zut u tih, Bawipa khuila n'tangna vengah Khrih lawng mami khuila cuunla va awm tih, mami kah Khrih-thlaang hingna dawngah mami dawng Bawipa va hing (Gal 2:20), hukhueng atah mami kah haamkhuekna dawngah Bawipa tah mami dawngah muisam vathoeng ai.
- B. Mami dawngah Khrih muisam athoengna tetah mami cooengna apumboeih khuiah Bawipa saak akuun ham oen mami kah khuiben cooengna te betoet zulpuem ham atue peekna teni - 4:19. Efe 3:17a. Kolose 3:4, 10-11.
 - 1. Khrih lawng mami khuiben cooengna te hekah alawngim dawngah apum boeih taala a awm vengah Bawipa tah mami dawngah muisam vathoeng - Saam 51:6.
 - 2. Mami lawng Khrih te mami khuiben cooengna avang athal rooek dawngah betoet zulpuem ham atue peek angoe. Bawipa lawng mami dawngah apum boeih taana, mami kah mingna, khanca na oen ngaihna te betoet zulpuem ai - Filipi 2:5. Efe 3:17a.
 - 3. Khrih lawng mami cooengna apumboeih dangla a awmna tetah Bawipa lawng mami dawngah muisam thoengla a awm nate ni - Gal 4:19.
- C. Khrih lawng mami thinkaw thli dawngah ahih kah im-sak awmna hamla Bawipa lawng mami khuiah huen a lawh thaina ham a ngoe, helawngah mami khuiben cooengna avang athal rooek dawng Khrih te ahih kah imsak awmna hamla atue peek ham a kuek. Hetah Khrih lawng mami dawng muisam thoengna ni - Efe 3:17a.
- D. Mami dawngah Khrih muisam athoengna tetah thaihu soeprep aka thum Muithla Ciim tengah mami khuiben cooengna avang athal boeih te taana atue peekna te ni - Gal 4:19. 3:2-3, 14.
 - 1. Khrih hetah mami kah mingna, khancana oen ngaihna khuiah saak kuunna bueng muehla Bawipa tah atangtang ah mami kah mingna, khancana oen ngaihna la va awm ham ni - Filipi 2:5. 1Kor 2:16.
 - 2. Khrih bueng coengah, atloe thaihu soeprep boeih lawngtah atlaak ham tih, Khrih tah mami kah huhtawngna dawngah mami tengla thaihu soeprep la a awm ham ni. Hetah Khrih lawng mami dawngah muisam thoengna ni.
- E. Mami dawng Khrih muisam thoengna tetah Khrih lawng mami cooengna apumboeih oen thoekhaihna a awm ham ni - 6:17.
 - 1. Mami cooengna kah avang athal rooek dawngah Khrih lawng mami oen haih thoekna a awm ham ni - Efe 4:23.
 - 2. Khrih lawng mami oen haih Bawipa asoep la athoekna toela mami te saakkuunna oen betoet zulpuemna a awm ham ni. Tecoengah Bawipa tah mami dawngah muisam va thoeng ai -3:17a. Gal 4:19.
- F. Khrih lawngah oengca thli dawng muisam thoengna kaawng Paul kah awl tah mami lawng Khrih oenah tawmben la awmna te a thuinuet - Kolose 1:27. 3:4, 10-11.
 - 1. Khrih tah mami dawngah hing, Bawipa tah mami dawngah muisam vathoeng, Bawipa tah mami kah tawmben nala va awm. Tahetah Khrih lawng mami dawngah va hing, teahni mami lawng Bawipa oen haih aka hing tawmben na n'khueh u thai ai - Gal 2:20. Kolose 3:4, 10-11.
 - 2. Hukhueng atah mami kah cooengna apumboeih lawng Khrih kah pouhlip cooengna oenah tawmben la va awm ai, metitiah, Bawipa lawng mami kah avang athal rooek te a tawmbensak ai, teahni mami lawng mami coengna avang athal rooek dawng ah Bawipa kah pungraan, Bawipa kah muisam a awm thai ai -2Kor 3:18. Rom 8:29.
- G. Gal 4:19 dawngkah *muisam athoengna* tetah 2Kor 3:18 dawng kah *amuisam* oen avaina awm.

1. Khrih lawng Bawipa kah pouhlip cooengna oenah mami khuiah hing bisaina a khueh, teahni mami lawng Bawipa kah muisam thoengna n'khueh u vetih, Bawipa kah muisam te n'tuuengsak thai ai - Rom 8:29.
 2. Khrih lawng mami dawngah muisam thoengna tetah mami kah cooengna lawng Bawipa kah muisam khuiah muithawhengna a awmna sawah ni a awm - 2Kor 3:18.
 3. Mami kah cooengna lawng Bawipa kah muisam khuiah muisam thawheng la a awm coengah, Bawipa kah cooengna lawngah mami dawngah muisam athoengna lawng mami te Bawipa kah muisam la mui vai nate a awmsak. Mami lawng Bawipa kah muisam la mui vaina tetah mami dawngah Bawipa muisam thoengna kah thaitakla awm - Gal 4:19. Rom 8:29.
- H. Mami dawngah Khrih muisam thoengna tah mami lungbui kah avang athal pathum - mami kah mingna, khancana, ngaihna - lawng athai tlaihvaungla awmna teni - 12:2a. Efe 4:23.
1. Mami kah mingna, huhtawng khancana oen ngaihna lawng athai tlaihvaungla a awm thaina hamla Khrih lawng mami kah mingna, huhtawng khancana oen ngaihna te betoet zulpuem tih, mami lungbui dawng kah kai-ti poekna oen dilai te Bawipa amah oenah zuengthengla va awm ai - Rom 12:2a.
 2. Mami lawng hekah alawngim dawngah athai tlaihvaung la ng'awm u vengah mami khuiben cooengna kah avang athal boeih lawng Khrih muisam te khuen la va awm ai - 2Kor 3:18.

VI. Khrih lawng mami dawngah mui thoeng hamla angoe, teahni mami tah aka rooengthuem cathli oen roupang kungthli la ng'awm u tih, Pathen kah awlkhuehna angla zothenna rou te m'pang thai ai, tetila Pathen ben ca paihuen cooengna dawngah mami haamkhuekna n'khueh u thai ai - Gal 3:14, 26, 29. 4:5-6.

- A. Gal 3:26 dawng atah "nangmi boeih lawng Khrih Jesu dawngah natangna tih Pathen cathli la na awm u" ti avan thui. *Pathen cathli* tila a tuuengsak natah aka rooengthuem cathli te athuinet.
- B. Awlkhueh ruem huiah Pathen kah atuek thlaangthli tah suuktui aka aw camoe thli la poekla awm. Awlkhueh thai huiah ahimi tah aka rooengthuem cathli, awlkhuehla ka awm zothenna - thaihu soeprep aka thum Khrih kah Muithla Ciim - te roupang kungthli la poekla awm.
- C. Khrih lawng mami dawng haamkhuekna va awm ai. Tetah mami lawng mami kah rou la thumkhat Pathen te betoet ng'awmngaihna ham roupang kungthli la awm hamla ni. Ciim Muithla tah mami rou kah acak na ni - Efe 1:13b-14. 1Pit 1:4.
- D. Mami lawngah Bawipa lawng mami te Khrih huhtawng khancana oen awnngaihna khuila m'maawt ham tite thangthui angoe, te Khrih lawngah mami khuila cuunla a awm coengah, tahe mami dawngah hing tih, mami n'haamkhuek u vengah mami dawngah muisam vathoeng ai, tetah aka rooengthuem cathli la awm tih, Pathen awlkhuehna angla zothenna roupang kungthli la ng'awm ham oen Pathen ben ca paihuen coengna dawngah mami haamkhuekna awmna teni - Gal 3:29. 4:6, 19.